



UNIVERSITÄTS-  
BIBLIOTHEK  
PADERBORN

**Cursus Biennalis Studii Canonici, Sive Succincta Et  
Methodica Sacrorum Canonum Explanatio**

**Engelhard, Johann Martin**

**Moguntiae, 1700**

Titulus IX. De Ferijs.

---

[urn:nbn:de:hbz:466:1-63255](#)

judiciis praxis vigeat, ut lapsâ dilatione pereemptoriâ, alia adhuc dilatio ex superabundanti indulgetur, quæ vocatur sub pœna præclusi, quam praxim iniquam esse, inde patet, quod parte in termino pereemptorio non agente, alteri sit jus quæsitum, ut in causâ pergitur, quod judex, sine rationabili causâ contumaciam purgante afferre nequit.

**QUÆRES 3.** Quantum temporis singulæ dilationes contineant? Respond. Licet in jure Civili pro singulis ferè actibus certum tempus determinatum sit, id tamen prudentis judicis arbitrio relinquitur, ut is pro varietate circumstantiarum arbitretur, quantum temporis ad faciendum actum judiciale hic & nunc sufficiat, in quo praxis cuiuscunque curiæ, optimum ager magistrum.

**QUÆRES 4.** An in dilationibus computentur etiam dies feriati? Respond. Regulatiter computari patet ex l. 3. Cod. h.t. dixi regulariter, si enim feriæ totam vel majorem partem temporis absorberent, & sic præparandis probationibus impedimento essent, tempus feriatum non computari æquitas postularet.

## TITULUS IX,

### De Ferijs.

**QUÆRES 1.** Quid sint feriæ? Respond. Feriæ sunt dies, in quibus iudicia exercere nefas est; Differunt à dilationibus, quod non ut illæ ob utilitatem privatam partium, sed ad bo-

num

num publicum, vel Dei honorem sint ordinatæ, secundum exigentiam Caſtarum arbitrio judici mutari nequeant.

**QUÆRES 2.** Quotuplices sint feriæ? Respond. aliæ sunt sacræ quæ ad honorem Dei, venerationem sanctorum, vel alium finem supernaturalem institutæ sunt, cujusmodi plures recententur in cap. 1. § fin. b.t. item in l. 3. § sequent. Cod. b. t. & in Bolla Urbani Octavi, quæ incipit, universa, edita anno hujus saeculi 42. aliæ profanæ, quæ ob utilitates vel necessitates humanas introducuntur sunt; profanarū aliæ sunt ordinariæ, quæ jure vel consuetudine sunt definitæ, & ferè quotannis recurrunt, ut sunt v.gr. feriæ ad colligendam messim, vendem, ob calores & flivos, vel quæ ob aliam similem causam, secundum regionis consuetudinem sunt indictæ; aliæ sunt extraordinariæ seu repentinæ, quæ subito prorenata seu rebus occurrentibus v.g. ob partam victoriæ, ob adventum, inaugurationem aut nuptias principis, ob luem, seditionem, vel aliud malum, aut bonum publicum indicuntur.

**QUÆRES 3.** Quis sit feriarum effectus? Resp. Hunc feriæ effectum habent, quod actus contentiosus tali die celebratus sit ipso jure nullus. cap. 4. § 5. b.t. § l. i. § i. ff. de feriis. nisi pietas, vel necessitas celerem suadeant expositionem; cap. ult. b. t. Quales sunt v. gr. causæ miserabilium personarum, alimentorum, reipublicæ; item quæ ipsa moræ peritura sunt, &c. hæ enim causæ in feriis etiam judicialiter expediri possunt, cum in operibus misericordiæ, non sit habenda ratio dierum. Quod dictum

dictum est, aetum die feriato celebratum ipso jure esse nullum, intellige de Feriis sacris; profanis enim consensu partium renuntiari potest, ita ut Judex si velit judicialia tractare possit.

## TITULUS X.

*De*

### Ordine cognitionum.

**Q**UÆRES i. quo ordine causæ in judicium deducitæ cognoscendæ sint? Resp. eo ordine, quo propositæ sunt, cognoscendas esse, nisi specialis ratio exigat, cognitionem causæ posterioris, priori esse præmittendam. Cum enim quandoq; contingat, ut reus contra intentionem actoris excipiens novam causam moveat, à quâ discussio causæ Principalis peractorem propositæ dependet, hinc ut ordinatè & clarè procedatur, ordinârunt Canones, ut Judex prius de quæstione rei, quæ propterea præjudicialis vocatur, cognoscat, ac postmodum ad causam actoris, quæ ab hac quæstione præjudiciali dependet, terminandam descendat cap 1. & 2. h.t. tales causæ sunt primo si quis tanquam Filius vel proximus agnatus coram Judice laico petat hæreditatem defuncti, is verò à quo petitur, objiciat, actorem non esse filium legitimum, aut proximum agnatum, prius cognoscere debet Judex sitne actor filius legitimus, cum hæreditas actori restituenda, ab hac exceptione nata- lium dependeat. 2do. si mulier vendicat suum maritum, is autem opponat exceptionem consanguinitatis vel affinitatis, præmittenda est cognitio,

P

sit n.